



Lugo, 12 de abril de 2011.- O vindeiro domingo 17 de abril, ADEGA Lugo lévate á Mariña luguesa e, en concreto, ao Concello de Burela, pioneiro na dotación dun Proxecto de Planificación Lingüística de carácter municipal no que se contempla o fomento do idioma galego noutras culturas chegadas ás nosas terras para convivir con nós. Esta iniciativa coñécese co nome de "Modelo Burela". Este roteiro enmárcase no ciclo de andainas 2010-2011 de ADEGA dedicadas á defensa da lingua propia.

Este proxecto xestouse e aprobouse por unanimidade no ano 2008. Xurdiu como intervención educativa transformadora, no Instituto Perdouro durante o curso académico 2004-2005. O alumnado colaborou activamente na pescuda de todo tipo de documentos escritos en galego: convites de celebracións, documentos notariais, publicidades comerciais, actas de reunións das comunidades veciñais, correspondencia privada, recordatorios de comuñóns etc. A longametraxe documental "Modelo Burela", dirixida por Matías Nicieza, é un excelente medio para coñecer este modelo.



O roteiro partirá, pois, do lugar no que está situado o IES Perdouro e logo dirixirémonos cara á Areuora. No traxecto teremos ocasión de valorar a singularidade da rasa cantábrica e tamén o lugar no que se encontrou o famoso Torques de Burela. Despois da subida entre a praia da Marosa e o barrio do Vilar pasaremos ao lado da capela medieval da Vila do Medio. Desde aquí ascenderemos ao Monte Castelo. Completarase o roteiro pola zona de Sargadelos.

O roteiro ten unha **lonxitude de 14 km** e pode considerarse de **dificultade media**. Colaboran a Asociación de Sendeirismo Pasada das Cabras e outros colectivos de Burela.

DOMINGO, 17 de Abril de 2011

Xeral.....	15 €	Estudantes, xubilad@s e
no paro.....	12 €	
Soci@s.....	10 €	
Ata 17 anos.....	5 €	

Saíremos de diante da Escola de Maxisterio ás 9 h. Prégase puntualidade.

Imprescindible anotarse chamando ao **679 113 718** ou ao **982240299**.
Leva roupa e calzado axeitados e comida para o camiño. O bo humor é cousa de tod@s

PRÓXIMOS ROTEIROS DE ADEGA LUGO:

29 Maio: "Feros corvos do Xallas..."
"Vendo-os assim tão pertinho..."

Costa da Morte 26 Xuño:
Valença-Monção